



Шочмо эл, порылык да чын верч!

Будь готов!

8-ше (3656) №,
2024 ий 23 февраль,
кугарня.



МДЕ ЛИЙ

1933 ий 1 февраль годсек лектеш.

ТЫНЫС ИЛЫШ ВЕРЧ!

Шочмо элым йоратымаш эн ондак айдемын пашаж гоч палдырна. Южгунамже изи поро сомылат кундемлан вянагыже, тўзланашыже польшым пуа. Кызыт СВО-што улшо салтак-влаклан полшаш шонен, Россий мучко шотлен пытарыдыме акций ден патриот шўлышан мероприятилла эртаралтыт. Тушко йоча гыч тўнгалын кугыен марте кажне кумылан ег ушнен, польш кидым шуялтен кертеш. Тўшкаште – вий да сенгымаш!



Звенигово район Кокшайск школышто тунемше-влак маскировочный сетьым пидыт.



Провой кундем Чакмарий школышто 8-ше классыште тунемше волонтер-влак Магдалина Батаева, Кристина Смоленцева, Алёна Филиппова, Полина Судакова, Лиза Сергеева армейский душым ыштат.



Тимур Беляков (Волжский, Пётъял) аван, изан полшымышт дене окопысо сортам мўнгыштыжў ямдыла.



«Лўдымў моряк-влак» пайремым Кужэнер район Йывансола школышто эртареныт. Тушко верысе йочасадыш коштышо нўюга-шамычат ушненыт. Нуно тўрлў сынан тергымашым эртеныт. Ача-коча, иза-влаклан изирак пўлекым ямдыленыт.

Фото-влакым школ архивла гыч налме.



Кок сенымаш



Йошкар-Оласе 7-ше номеран школышто индешымше классыште тунемше Максим Волков (**снимкыште – пурла гыч кокымшо**) логалын. Самырык шахматист рвезе-влак кокласе тагасымаште «Гран-при России» да «Блиц Гран-при России» этаплаште кок 2-шо верым сенен налын. Саламлена!

В.МАМАЕВА ямдылен. Башкортостан Республикын шахмат федерацийжын фотожо.

Уфа олаште «В.Н.Старцевын мемориалже – 2024» шахмат дене тагасымаш эртаралтын. Тушто 162 участник уш-акылжым терген. Призёр-влак коклашке



Полшена

Кажне классыште тунемше-влак, урок деч вара кидыш кольмым налын, шонгыен-шамычлан лумым эрыкташ полшенна. 8-ше классыште тунемше рвезе-влак Кристина Павловна Лихачёван кудыве-чыштыже, пöрт ончылныжо куэнна. Ой, лумжо мыняр шуко-о! Ме лүдын шоген огынал, чот тыршенна. Ынде ковайлан кошташыже куштылго. Мыланна тауштен. Пашам пытарымек, кугу куан дене чеверласенна.

Родион НЕБОГАТИКОВ.
У Торьял, Токтарсола.


Увер

«Без срока давности» всероссийский сочинений конкурсын регионсы йыжынже иктешлалтын. Чылаже 43 паша аклалтын. Сенгышыш Таисия Зайцева (Козьмодемьянск, 3-шо номеран шк., 6-шо кл.), Александр Зуев (Йошкар-Ола, 7-ше номеран шк., 9-ше кл.), Дарья Окатова (Козьмодемьянск, 1-ше номеран шк., 10-шо кл.), Татьяна Перминова (Йошкар-Оласе технологический колледж, 1-ше курс) лектыныт. Ёдыр-рвезе-влак пашашт дене российскийсе йыжынгыш ушнат. Конкурс 17 март марте шуйна.

Рүдолаште

Теле каныш годым тунуктышо-влак дене пырля Москош миенам (**снимкыште**). Икымше кечын ВДНХ-ште «Россий» ончер-форумын түрлө павильоныштыжо лийынна. Марий Элын павильоныштыжо Йёштö Кугыза да Лумёдыр дене вашлийынна. Мыланна нуно пöлекым кучыктенит, саламленит. ВДНХ-ште ик кечыште чылажым ончен пытарашат ок лий. Российын регионжо-влак нерген келге шинчымашым пуышо кугу форум мыланем чот келшен. Кокымшо кечын ме рүдолан мотор верлаж дене палыме лийынна. Йошкар площадь эн чот öрыктарен. Кумда Российын рүдолашкыже миен толашак темлем.

Дарья РОМАНОВА.
Звенигово, Эсмекплек.



Российсе увер

«Мама и дети в национальных костюмах» тунямбал фотоконкурс тений визымше гана эртаралтеш. Йодмашым **1 сентябрь марте** колтыман. Тичмаш увер – ethno-photo.com сайтыште.

Шуко шочшан еш-влак, «Многодетная Россия» форуммыш да «Здоровая семья – сильная Россия» спорт фестивалыш ушныза.

Түрыс уверым многодетные-семьи.рф сайтыште лудса.

1-11-ше класслаште тунемше-влакклан «ОНИ СРАЖАЮТСЯ ЗА» патриот шүльшан VK-клип всероссийский конкурсым увертарыме. Паша-влакым **17 март марте** колтыман. Түрыс увер – ligatvor.ru сайтыште.

Марий Элысе увер

3 мартыште «Корта» тунемме да тренировкым эртарыме базыште **спорт ориентирований** дене Марий Эл Республикын чемпионатше да первенствыже эртаралтыт. Йодмашым orgeo.ru/event/33465 сайтыште пуыман.

Йошкар-Олам 440 ияш лүмгечыж дене почеламут корныла дене эн ойыртегалтын саламлымаш конкурсыш **10 ияш гыч** тунгалын кумылан кажне еш ушнен кертеш. Паша ден йодмашым okcentr2010@mail.ru адрес дене электрон почтыш колтыман.

6 апрельыште Йошкар-Оласе Бауман лицей да «Лира» йоча сымыктыш школ **7-20 ияш** ёдыр-рвезе-влакклан «Руки сердечное тепло» регион-влак кокласе инклюзив фестиваль-конкурсым эртарат. Йодмашым **28 март марте** пуыман.

Шочмо йылме – курымашлык негыз



И.С.Палантай лүмеш тўвыра да сымыктыш колледжын Калыкле сымыктыш гимназийыштыже «Шочмо йылме – калык поянлык» йоча фестиваль эртаралтын. Образований аламыште тыршыше уста педагог-влак икмыняр направлений дене урокым ямдыленыт. Тиде тонежыште лу ий воспитательлан пашам ыштыше Н.В.Кузнецова 7-ше классыште тунемше-влаклан курыкмари йылмын сылнылыкше, пайдаже нерген темым почын пуэн.

Марий Эл Республикын калык туныктышыжо Л.А.Сергеева «Марий литератур урокышто кейс технологий дене пайдаланымаш» этноуроком вүден. Тудо Волжский район Карай школышто 41 ий икшыве-шамычым шочмо йылмылан шүманда.

– *Тачысе пашаштем Ким Васинын «Ший мундыра» книгаж гыч ужашым кучыл-тынам. Писательын ильме жапысе ола кызит ваитал-тын. Мо дене тудо ойгырте-*

малтеш? Лекше йодышлан ваимутым тунемше-шамыч проектшышт пуэныт. Вес командыште ушко ўдыр-рвезе-влаккан тўрлө калыкын ваи келшен ильмыштым, кочкышыштым ончыкташ заданий лийын (снимкыште), – оила Любовь Анатольевна.

Гимназийыште 8-ше «А» классыште тунемше-шамыч Кирилл Королёв ден Александр Веткин марий калыкын кумалтышыже нерген проектым араленыт. Кўчык жапыште сўретым, фотографийым кучылт моштенит.

Марий тўр нерген этнодизайнер Н.К.Акиева ден гимназийыште ятыр ий воспитательлан пашам ыштыше Н.А.Воронцова каласкаленыт.

Марий тўвыра рўдерын эртарыме пайрем сылне концерт дене мучашлалтын.

З.ТИМОФЕЕВА.
Р.НИКОЛАЕВАН фотожо.

Пагалаш кумыланда

«Куту сарын изи геройжо-влак» шагатым Михайловка ялысе книгагудышто эртарыме. Тўвыра пўрт пашаен Н.С.Анисимова ден книгагудо пашаен С.В.Моторова пионер-герой-влак нерген каласкаленыт. Руш серызе Б.Лаврентьевын «Большое сердце» ойлымашыжым йўкын лудыныт. Шымше классыште тунемше Антон Смирнов С.Михалковын «Десятилетний мальчик» почеламутшым сылнын лудын. Мероприятий йочам лўддымў лияш да Шочмо элым пагалаш кумыланда.

Э.СТЕПАНОВА.

Советский район.

Марий шўлышым пуртат

Кужэнгер район Кугу Лаждўр школышто кандаш йоча тунемеш. Нуно кажне мероприятийыш чолган ушнат. Верысе тўвыра пўртын эртарыме пайремлаштат мастарлыкштым ончыктат. С н и м к ы ш т е тунемше-шамычым Конга пайрем годым ужыда. Мероприятийым школ да тўвыра пўрт иквереш эртареныт. Чолга ўдырамаш Г.И.Захарова йоча-влаккан конга, тудын пелен кучылталтше ўзгар-шамыч нерген каласкален, тутло мелна дене сийлен.



Р.ГЛУШКОВА.
Л.ПЕТРОВАН фотожо.

Ача-аван акше шерге

Районысо кажне тўвыра пўрт идалыккан ик гана иктешлыше концертым ончыкта. Ме, йоча-влак, Упшер тўвыра пўрт пеленысе «Каблучок» куштышо группыш да музыкальный школысо «Домисолька» ансамбльыш мураш коштына. Кызыт концертлан ямдылалтына. У куштымашым, мурым тунемына. Концертыште ача-авана-влакын рўж совым кырымышт мыланна пеш шерге.

Марина СТЕПАНОВА.

Волжский, Упшер.



Увер


4 март марте УЧИ.РУ платформышто окружающий мир да экологий дене всероссийский онлайн-олимпиаде эртаралтеш. Тушко 1-9-ше класслаште тунемше-влак ушнен кертыт.



23 ФЕВРАЛЬ – ШОЧМО ЭЛЫМ

Пайрем дене, ачай!

Фотом еш архив гыч налме.



Ачамын лүмжө – Александр (снимкыште). Мый тудым чот йоратем. Ачам эн виан да сай. Тудо мыйым поро пашам ышташ туныкта. Телым кайык үстелым пырля ыштена, тушко кочкышым пыштена. Ачам мыйын сенгымашемлан куана. Ялысе тўвыра пörтыштö але школышто эртаралтше мероприятийлашке ушнымекем, эре ончаш толеш. Воктен улмыжым шижмеке, мый ом лүд, ом тургыжлане. Тудо мыланем пример. Мый тудын койышыжым ончен кушкам. Ачамым Шочмо элым аралышын кечыж дене шокшын саламлем.

Советский, Шуарсола.

Алина АЛЕКСАНДРОВА.

Кö тыгай?

Элым аралыше
Кö гын тыгай?
Мом вара палыше?
Чонжо могай?

Элым аралыше
Лүддымö, сай,
Еным пагалыше,
Шүмжö тул гай!

Элым аралышым
Иктыжым палышым –
Мыйым йоратыше
Шочмо ачай.


С.АЛЕКСЕЕВА.

Медведево посёлко.

Нигунам огына мондо

Кугезе кочам Николай Егорович Девяткин (снимкыште) 1926 ийыште шочын. 17 ияш Вятские Поляны олаште военный подготовкым эртен. 1944 ий 22 февральыште Кугу Ачамланде сарыш каен. Кенигсберг олам утарымаште кредалын. Тудо зенитный артиллерийыште наводчик лийын. Немыч-влакын шуко самолётыштым волтен шуэн.

Сар пытымек, Ленинградыште кодын. Тушеч япон сарыш нангаенит. Мөнгыжö 1950 ий 22 декабрьыште пörтылын. Кочамын кум наградыже уло. Мый тудым пагалем да уло чон дене кугешнем.



Фотом еш архив гыч налме.

Эрвина МАМАЕВА.

Йошкар-Ола, 21-ше номеран Семёновка школ.

Пеленже онай

Леонид Александрович (снимкыште) – тиде мыйын кочам. Мый эре пеленже лияш тыршем. Мом ом умыло гын, кочам раш умылтара, полша. Түрлö арверым олмыкташ туныкта. Кочам пелен эре весела да онай. Тудым пеш пагалем.

Александр ИСАЕВ.

Звенигово, Поянсола.

Фотом еш архив гыч налме.

Эн шерге тыныслык

Сар – шучко мут. Ты шомакым колмек, чонлан шуй-й чучеш. Кугу Ачамланде сар годым кугезе коча-кована-влак, тыныс илышым пörтылташ манын, тушман ваштареш илаш-колаш кредалыныт. Сенгымашым лишемдаш изижат-кугужат, шонгыжат-самырыкшат чот тыршеныт. Сенгымаш кече куштылгын толын огыл. Шуко йомдарымаш лийын.

Кызыт сарын когар пушыжо уэш шарлаш төча. Тўнямбал калыкклан ойлымем шуэш: «Сар дене ида мод! Аралыза Шочмо элым, тыныс илышым, лишыл ендам!»

Ксения БУТЕНИНА.

Морко, Эгерсола.



Ульяна НИКИТИНА.

Кужэнгер посёлко.



Регина ЕГОРОВА.

Морко, Коркатово.



Диана ЯГОДАРОВА.

У Торъял посёлко.



АРАЛЫШЫН КЕЧЫЖЕ



Изам дене кугешнем

Изам Илья Владимирович (снимкыште) Морко район Масканур ялеш шочын-кушкын. Россий армий радамыште танк войскаште порысшым шуктен. Вара контракт почеш служитлаш кодын. Кызыт Шочмо элнан тыныслыкшым арала. Лүддымылыкым да патырлыкым ончыктымжлан кум медаль да IV степеня Георгиевский крест дене палемдалтын. Российысе Вооружённый Вийын

Верховный Главнокомандующийже изамлан Тауштымо серышым кучыктен. Мый Илья изам дене кугешнем. Мөнгө таза да сенымаш дене пörтылжö!

Ульяна ГЕРАСИМОВА.

Морко район.

Фотом еш архив гыч налме.



Пörтыл, вучем!

Ачам Сергей Александрович (снимкыште) сарзе операцийыште лүдде кредалеш. Мемнан тыныс илышна, пиалан йоча пагытна верч тургыжлана. Мыят тудын кумылжым омволто: сайын тунемам, авамын мутшым колыштам. Ме ачанам пеш вучена. Толмекыже, чот-чот öндам.

Александр БОЯКОВА.

Звенигово, Поянсола.


Фотом еш архив гыч налме.

Эрык – эр кече лүман.

В.КОЛУМБ.

Лүддымö салтак

Изам Станислав Эдуардович (снимкыште) Морко район Коркатово ялеш шочын. Түн шинчымашым ялысе лицейыште налын. Вара Морко посёлкышто Аграрно-технологический техникумышто тунемын. Изинек спортлан шүман. Россий армийыште ракетный войскаште служитлен. 2020 ийыште тудо контракт почеш Угарман кундемышке танк войскашке служитлаш каен. Спецопераций тўналмек, икымше кече гычак лүддымылыкым ончыкта. Стас изам «За укрепление боевого содружества», «За воинскую доблесть», «Участник специальной военной операции», «За отвагу» медаль-влак дене палемдалтын.



Изам дене кугешнем. Тек тудо сенымаш дене пörтылеш.

Ангелина ВАСИЛЬЕВА.

Морко, Коркатово.

Фотом еш архив гыч налме.



Шарныктыш вер

Школыштына «Обелиск» акций эртаралтеш. Тыгай мероприятийыш кажне тунемше ушна. Кодшо кечылаште 7-ше «А» классна дене обелиск воктене лумым эрыктенна (снимкыште). Поро паша деч вара нöлталтше кумыл дене школыш пörтылынна. Вет обелиск – сар корным да кундемнан геройжо-влакым шарныктыше вер.

Яна КАЛИНИНА.

У Торъял, Кузнеч.

Фотом школ архив гыч налме.

Ўшанле энертыш

Ача – ешын озаже, пегыде энертыш да ўшанле йолташ. Ава семынак шочшыж верч тургыжлана, ешын ласкалыкше верч мутым куча. Ачамын лүмжö – Василий Юрьевич. Пумарий починга ялеш шочын-кушкын. Школышто сайын тунемын. Армий радамыште лийын: Астраханский область Капустин Яр сарзе олаште порысшым шуктен. Виян да тале ечызе улмыжлан көра тушко налыныт.

Авам дене коктын ныл эргым ончен куштат. Ачам – тале чонышо. Чыла сомылым устан да чаткан ышта. Мыят ачам гай пегыде койыш-шоктышан лийнем.

Алексей МИХЕЕВ.

Параньга, Кугу Пумарий.




Кидым лывыртена – чаткан возена

Оригами – акрет годсо япон искусство, «кагаз гыч тодыштмаш, оптымаш» манын кусаралтеш. Кызыт тиде технике тўня мучко шарлен. Йоча-влак кагаз гыч тўрлө янлыкым, кайыкым, кушкылым да мольмат тодыштыт. Оригами йоча-шамычлан ятыр пайдам конда: кидым лывырта, уш-акылым пойдара, шинча тўткышым, чытышым виянда. Кагаз гыч тодыштмаш тыглай модыш гына огыл: тудат моштымашым йодеш. Шочмо элым аралышын кечыж дене иза-шольыда, ача-кочада-влакым саламлаш вашкыза, шке кид дене пөлекым ямдылыза.

Лаштыкым Медведево посёлкысо 6-шо номеран «Онгыр» йочам вияндыме рўдереын кугурак воспитательже Ольга Валерьевна **КАЗАНЦЕВА** ямдылен.




Сўретым ончен, пеледышым келыштарыза.



Палаш онгай Турня

Япон кагаз турня – тиде пиалын, кужу ўмырын, тыныслыкын символжо. Япон турням Тўнямбалысе йошкар книгаш пуртымо. Эн кугу кагаз турням Вашингтон олаште 1995 ийыште ыштенит. Тудым ышташ 33 метр кужытан да тыгаяк лопкытан кагаз кўлын.



Кагазым тўрлө семын тодыштын, салтакым ыштыза. Пөлек семын кучылтын кертыда.

Кагаш

◆ Пашам тўналме деч ончыч схемым, кагашым радамлыман.

◆ Оригамиште тўн шотышто квадрат форман кагазым кучылтман.


◆ Кагаз утыждене пушкыдо да пенгыде ынже лий.

◆ Паша-влак ару лийышт манын, вашкыман огыл. Кагазын кажне лукшым тор тодылман.

◆ Эн ончыч куштылгырак паша гыч тўналман, жап эртымеке, нелырак фигурыш кусныман.

◆ Йочан кумылжым савыраш манын, келшыше мультфильмым ончыкташ лиеш.

Кагазым тодыштмо годым тўн пале-влак:



Вич мучашан шўдыр мландымбалсе вич материкын икоян улмыжым ончыкта. Йошкар Шўдыр орденым Шочмо элым аралымылан пуэныт. Москосо Кремльын башныштыже вич лukan шўдырым верайдыме. Историйым ончалаш гын, йошкар шўдыр мемнан элын тистыштыже да гербыштыже символ семын лийын. Тўрлө элыште тудо сарзе патырлыкым, тыныслыкым, икоян улмым ончыкта.

Открытым ышташ кўлеш: йошкар тўсан кагаз, канде картон, карандаш, вашкўзё, клей, линейке.

Сўретым ончен, йошкар кагаз гыч шўдырым ыштыза. Тудым канде картонеш клеитлыза. Картон шенгелан саламлыме шомакым возыза.

Мемнан армий – тыныс армий, Тыныс кечынам сакла. Сандене тудым шемер калык Тўня мучко пагала.

А.БИК.

Кутешнем тый денет ўмырешлан, Тый денет кеч тул-вўдыш, йолташ! Эл ўжеш аралаш... Қурымешлан Тыныс жапым тўняш пўртылташ.

А.НИКОЛАЕВ.

Мланде йыр тыныслык лийже, Кече волгалтыже раш! Илышын сылне чурийжым Қалык огеш пу каргаш!

М.КАЗАКОВ.

Йоча куан

Теле игече түрлө сынан:
йүштө, кечан, леве,
поранан, луман... Туге гынат
мый телым йөратем. Ече
дене мунчалташ, курык гыч
ватрушко дене волаш сай.
Шүжарем дене коктын
пушкыдо лумыш
төрштылаш йөратена. Лумжо
мамык гай вужга. Йоча
куанлан шуко күлеш мо?!

Глеб СОКОЛОВ.

У Торъял, Тошто Торъял.



фото-влакым еш архив гыч налме.

Калык пале

✓Окна яндасе сүрет-влак
шорын йөрлыт гын, игече
вашке левешта.

✓Лөза пörш ояр игечым
сөра.


Эше изи улам

Изи улам гынат, авам түрлө сомылым ышташ туныкта
(снимкыште). Коктын пörткörгыштö арулыкым эскерена,
акам-шамычын школ гыч толмыштым вучена, нунылан тутло
сийым ямдылена. Мыланем кудывечыште лумыш эрыкташ
келша. Кушкын шуамат, авамын тун энертышыже лиям.

Саха ВАСИЛЬЕВ.

Морко посёлко.

Кроссворд



Мут-влакым
марлашке
кусарыза.

1. Рыба. 2. Ва-
реники. 3. Ватрушки. 4. Хлеб.
5. Мясо. 6. Суп.

Никита СУББОТИН.

Советский, Орша.

Изи озавате


Апельсин салат

Күлеш: 2 апельсин, 1 кугу совла мүй,
100 грамм грек пүкш, лимон сок.

Апельсиным пүчкедыза, пүкшым
ешарыза. Варгышым мүй да лимон сок
дене варыза.



Сүретым чиялтыза.



Рекламе.

«Ямде лий» газет
Тун редактор
Л.Н.ГРИГОРЬЕВА.
Индекс: П4696.
Тираж 1550 экз.
Заказ
Формат – А-4-8.

УЧРЕДИТЕЛЬ-ВЛАК:
Марий Эл Республикысе Тұвыра,
печать да калык-влакын пашаш
шотышто министерстве,
Марий Эл Республикысе «Марий
Эл» увер агентстве» КАУ.

Газетым Кыл, информационный техно-
логий да массовой коммуникаций сферым
эскериме шотышто федеральный службын
Юл кундем федеральный округысо управ-
ленийшытже регистрироватлыме.
Номер – ПИ № ТУ52-01404,
2023 ий 22 сентябрьшыте пуымо.

0+

Печатьш пуымо жап – 14-00,
фактически – 13-00

Авторын да редакцийын шоныма-
шыт түрлө лийын кертыт. Серыш-
влак мөнгеш огыт колталт.
Ак – кутырен келшыме почеш.

Редакций да издатель: Марий Эл
Республикысе «Марий Эл»

увер агентстве» КАУ. Директор – Е.И.КУЗНЕЦОВ.
Редакцийн да издательнын адресше: 424006, Йошкар-Ола,
СССР Вооружённый Вийын 70-ше идалыкше урем,
20-шо пörт.Тел. 8(8362) 45-22-82.

https://vk.com/yamde_lii
<https://t.me/yamdelii>
E-mail: yamde_lii@mail.ru
(автор-влаклан)
Сайтын адресше: ямделий.pdf

Газетым редакцийшыте погымо да
верстатлыме, «Марий Эл
Республикысе Правительствын типографийже» ООО-што
ямде оригинал-макет гыч савыктыме. Типографийн ад-
ресше: 424000, Йошкар-Ола, Комсомольский урем,112.



Аяз НИГМАТУЛЛИН.
Марий Турек посёлко.



Богдан ПЕТУХОВ.
Советский, Шуарсола.



Пелагея ЯРИКОВА.
Шернур, Марисола.




Пончик-влакым шотлыза.

Тыште мучаш марте сүрет-лен шуктыдымо мыняр онго!

– Миклай, ик книгаш эше иктым ушет гын, мыняр лиеш? – йодеш туныктышо.
– Кок книга, – вاهشта Миклай.
– Кок книгаш эше кокытым ешарет гын?
– Нылыт! – куанен ойла рвезе.
– А кудло ик книгаш 289 книгам ушет гын, мо лектеш? – туныктышо Миклайын шинчымашыжым тергынежак.
– Кугу книгагудо!




В.СМИРНОВ ямдылен.




Кудо шинчыр нелытым куча!

Ик книгаште – 126 лаштык, весьште – 84. Толя вич шагатыште кок книгам лудын пытарен. Толялан кажне книгам лудаш мыняр жап кўлын? Тыгодым лудмо писылыкше вашталтын огыл.



Кудо кубыкым шындыман?



7 ойыртемым кычалза.

